

欽定剿平三省邪匪方略

欽定剿平三省邪匪方略正編卷二百二

庚申年

九月初八日

丁亥

德楞泰勒保奏言竊

臣

勒保前

因湯思蛟等股匪衆向南壩場一路竄逸就近

先行剿辦十二日行抵南壩場據七十五遣人

報稱度向瑤湯思蛟劉朝選已與趙麻花等合

夥十一日五鼓七十五分兵三路進剿午刻趕

至豐城寨地方適遇度向瑤等一股正向山溝

下走當被叅領武隆阿副將張良槐都司羅思
舉等率領兵勇直前衝殺賊衆猝不及防並未
拒敵卽四散奔逃我兵趕上斃賊四百餘名生
擒郝長壽等一百十二名七十五正在督兵追
殺據報後路又有湯思蛟等賊匪將都司保洪
玉等一路官兵衝動保洪玉猝被子傷陣亡守
備陳德欽同時被害兵勇亦傷亡數十名七十

五卽親督大隊趕回迎擊賊見官兵擁至旋卽
紛紛折竄七十五追殺四十餘里直至大團包
又殺賊一百二三十名生擒楊如山等五十三
名時已昏黑暫爲紮住訊據郝長壽等供稱此
起賊匪係趙麻花在前度向瑤居中劉朝選湯
思蛟在後分三路行走今日官兵將度向瑤一
股攔截殲殺甚多致成三段七十五隨據探報

庚向瑤趕入趙麻花前股向官渡奔竄劉湯二

逆折向下八廟逸去臣勒保得信後卽知會七

十五追剿庚趙等逆臣督同總兵薛大烈永寧

等帶兵直趨下八廟一路追剿劉湯二股之賊

十五日酉刻提至黃土梁探知賊衆正在茅坪

屯紮相距二十餘里當於五更冒雨發兵薛大

烈侍衛花品等爲一路臣與永寧等爲一路由

左右山梁下壓直至茅坪賊衆正在移營一見
我兵卽率衆千餘人搖旗吶喊直前拒敵我兵
奮勇競進立斃執旗賊目及騎馬賊匪三人賊
卽潰走兵勇分投追剿斃賊三百餘名生擒趙
爾河湯陳氏等一百三十八名口時值大雨如
注前路菁林甚多祇能隨搜隨進遙聞官渡一
帶鎗礮不絕知七十五一路亦已遇賊接仗據

報殺賊一百餘名生擒三十餘名亦因大雨未
及深入當卽知會七十五暫在後路搜剿餘匪

臣勒保卽督兵由羅紋壩一路進發適 臣德楞

泰所派溫春賽冲阿等帶領馬步兵勇於十九
日行抵兆堂壩與薛大烈永寧等會合探知賊
匪大隊正由尖山坪一帶奔竄相距不過五六
十里當卽星夜冒雨追躡二十三日至倒流水

地方正值賊匪踴淺渡河溫春賽冲阿所帶馬
隊官兵先已趕到當卽奮勇衝殺賊匪立時奔
潰有撲河搶渡溺斃者有分竄山野滾巖跌死
者鎗箭所到斃賊尤多正在趕殺間薛大烈等
所帶步隊亦卽到來乘勢掩捕通計殲賊六七
百名生擒賊目王曰榜並男婦張尙賢熊楊氏
等四百六十九名口渙散跪投者一百三十八

名隨令王曰榜等於賊屍內認出偽副元帥湯
思舉係湯思蛟之兄偽總兵王三魁當卽齣割
梟示並據供稱此夥賊匪係湯思蛟廣何瑤劉
朝選並張金連趙麻花及苟文明股內元帥杜
應杰等在東鄉境內被官兵追剿情急各股人
數漸少遂商量合夥由長壩過河五股共有四
千餘人惟趙麻花一股被官兵在官渡截住未

能過來湯思蛟等原想要到太平尋覓龍紹周
等竄赴陝境因聞太平現有大兵所以就近在
通江境內奔逃不想又遇官兵打散湯思蛟等
先已騎馬過河各等語溫春賽冲阿一面卽帶
兵過河追躡臣等聞信先後趕到該處提犯親
鞫無異並據探報先竄過河之賊尙有一千餘
名由呂家坪向絲蘿壩橫逸仍欲折竄後河現

有溫春等緊追惟後起未經過河之賊尙有五

六百名由馬鞍山石窩場竄去臣等卽派永寧

帶領叅將田朝貴等覓路抄截並聞七十五從

官渡追剿趙麻花等股之賊亦祇有數百名現

從石窩場一路而來正可與永寧兩面夾擊臣

等因川省腹地現在只有此數股敗殘餘孽必

須先爲辦竣騰出兵力再辦川陝邊界之賊庶

不至受其牽制且頃據太平文武稟報唐大信
張子聰二股合夥由白笋坪明通井一路奔竄
龍紹周一股由西鄉折回大竹河有奔往城口
之勢均在太平東北境內設廣向瑤等竄往合
夥辦理轉費費手臣等公同商酌一面分飭溫
春等盡力窮追臣德楞泰卽一面督兵於二十
五日由後河清花溪一路兜截臣勒保暫住一

日審辦現獲各犯將被擄未久及臨陣投出之
徐良士等二百二十六名口酌給銀米遞籍安
插其賊目王曰榜並入經從賊打仗之張尙賢
等三百四十一名均分別凌遲正法奏入

上命軍機大臣傳諭德楞泰勒保曰此次德楞泰勒
保分飭各路官兵奮力截剿先後共計殲擒賊匪
二千四五百名並殲斃偽副元帥湯恩舉偽總兵

王三魁生擒賊目王曰榜等所辦皆好德榜秦勒保均屬奮勉可嘉其分路帶兵出力之七十五等八員統俟川省賊匪辦竣再行奏明一體加恩德榜秦勒保務當督同七十五等上緊將剿賊之度劉等股賊匪魁日殄滅肅清四川腹地再將太平界內之龍唐等逆上緊剿淨成功愈速則恩賞愈重不可不倍加奮勉也現在各處賊匪勢俱窮蹙

總於川陝楚交界地方老林內爲通逃之藪此卽

天

考默佑使賊匪竄聚一處正可趁此機會一鼓殲除如

川境賊匪剿完勒保係四川總督七十五係四川

提督不但該省善後事宜正資經理而邊界防守

之事尤關緊要勒保不可因前經獲罪必欲越境

剿賊惟當會同七十五督率文武各員嚴防邊界

要隘以堵爲剿勿令由川竄出之賊仍行折回亦不可令陝楚之賊竄入川境卽爲出力至德楞泰雖係成都將軍但身爲叅贊陝楚軍務皆當籌畫徐添德辛聰張添倫及高二馬五等股賊匪皆由川境竄往陝楚德楞泰自當帶領勝兵隨賊所向緊躡追剿或赴陝幫同額勒登保或赴楚幫同明亮總當臨時相度賊匪緩急情形朕亦不爲遙制

務於冬令內一律蕩平受朕厚恩不可稍有遲緩
又昨據明亮奏由川竄至湖北房縣一帶賊匪共
有萬餘何以德楞泰等此次摺內並未提及著查
明具奏此時德楞泰等卽將廣劉龍唐各股賊匪
辦淨而川東川北零星賊匪尙須搜捕並恐明亮
在房縣一帶堵剿之賊復行竄回德楞泰如已帶
兵離川則當責成勒保七十五在川督率堵剿不

可復任蔓延所有此次打仗陣亡之都司保洪五
守備陳德欽俱著咨部賜卹

初十日

巳

明亮奏言查青號徐逆賊衆經

臣

在

楚省叠次痛剿殘敗已極該匪畏懼官兵追殺
遁入陝省洵陽屬之仁河口由烏龍池一帶欲

翻董家梁至汝河腦過渡

臣

卽由關垵入陝星

夜兼程前進二十七日行抵平利縣屬之白土

開接據探報賊探竄至長岡嶺離汝河不遠查
汝河因連日陰雨連綿水勢稍長跣涉維艱正
是極好機會臣當卽派副將樊雄楚王懋賞遊

擊承祿胥泗起守備陳應彪等帶領官兵八百

餘名鄉勇一百名由長沙舖尋覓水淺處先行

過河兜截臣親率馬步兵勇馳抵汝河腦正遇

賊匪在山坳據險林立查該處道路羊腸一線

官兵難以排列進擊臣飛飭馬步官兵緊逼衝

撲守備王占鰲把總劉陞首先衝上山梁該匪

滾放插石王占鰲身帶石傷二處劉陞身帶矛

傷二處富翰等繞過隘路搶上山頂直前衝殺

立斃賊匪數十人步兵不避鎗石各覓路仰攻

斃賊百餘衆匪潰散官兵乘勝下壓緊逼河邊

遙見騎馬賊匪捨命搶渡人馬被衝大小男婦

大半漂流下游侍衛富翰塔津保江鼎雙福等
挑選馬隊數十人趕緊過河追殺三十餘里至
徐家壩該匪情急亡命回撲三次富翰等因山
路窄狹不能痛殺飭令馬隊佯作奔回誘賊匪
追趕前來箭斃數十人該匪猶來衝撲見臣前
派繞道過河之副將樊雄楚等帶兵趕到由山
梁衝下鎗斃齊發兩而火擊復斃賊匪二百餘

人生擒朱致和鄭全氏等一百三十四名口

臣

提訊活賊除川中積匪朱致和等七十七名概
行正法其馮仕貴鄭全氏等五十七名口就近
經平利縣察首劉宗瑞指認李義元等保釋安
插外其餘卽交同知蕭與潔訊明隨卽給予路

票盤費妥爲撫卹剝散餘匪恐於樹林屋內藏
匿當卽札飭平利縣知縣任奎光逐加搜捕查

該匪又經此次痛剿之後僅剩八九百人卽由
牛黃溝凉水溝翻毛壩向獅子壩晝夜狂奔確
探賊匪奔竄路徑係由平利入川要路並據慶
溥報稱在烏龍池迎擊殺賊二十餘人已跟蹤

向平利追剿

臣

查據竹山令范繼昌稟報川匪

苟文明與後股之賊現已竄至保康大坪北峯
寺一帶又據叅將曹星房縣知縣李維本稟報

後股賊匪已竄至後界坪情形尤爲喫緊即
由二竹星夜趕至倭什布一路迎探賊蹤或分
或合期將竄楚各股川匪迅速掃除廓清楚境
後臣卽酌分官兵或陝或川馳赴額勒登保德
楞泰處協剿奏入

上命軍機大臣傳諭明亮曰昨據明亮奏徐逆一股
竄入洵陽白河縣境明亮並不緊躡追剿轉稱川

省竄匪唐龍二逆及苟姓一股俱竄至房縣並有
冉徐張王四姓男婦約萬餘人亦接踵而至移會
慶溥帶兵截殺明亮仍由二竹回至房縣朕披閱
之下卽以伊所奏賊股姓名與德楞額奏到情形
迥不相同必係不實今據明亮奏報則又稱在汝
河腦徐家壩等處痛剿徐逆殘敗餘匪而前摺所
稱由川竄楚之各股賊匪其唐龍等逆此次摺內

又未經提及祇有苟文明與後股之賊竄至保康
其後股之賊自卽係徐萬富可見明亮前奏多係
虛飾竟因追剿徐添德不能趕上輒將川省竄匪
臚列多股張大其詞藉稱楚重於陝預佔地步思
掩縱賊之咎以便將徐逆一股誣之慶溥自行轉
回房縣希圖卸責居心蒼滑明亮著再傳旨嚴行
申飭至徐添德係著名首逆與劉之協同爲教匪

渠魁方以明亮帶兵追剿若能將徐逆擒獲必當
加之懋賞乃明亮全不知奮勵當此賊勢潰敗僅
剩八九百人之際不卽跟蹤奮剿速擒首逆轉交
慶溥帶兵追躡是明亮竟係無福承受重恩將此
垂成大功讓之慶溥又與春間那彥成所辦之高
二馬五情事相同試思高二馬五一股其狡猾遠
不若徐添德前此那彥成未能卽時搜捕以致獲

轉奔逃迄今未能剷淨今徐添德一股較之高二
馬五尤爲詭譎且看慶溥如果能將徐逆殲擒卽
屬伊之造化明亮之獲咎尙輕倘徐逆敗殘餘匪
沿途裹脅又成大股則皆係明亮玩縱貽悞所致
明亮業已玩悞於前此時由二竹趕至倭什在一
路所有由川竄楚之荷文明等股卽交明亮速辦
務在楚境卽行剷淨尙可稍贖罪愆尙再不能寬

力奮擊或在其蔓延楚境或又將此二股賊匪逼
令出境均不能解罪矣現在轉瞬卽交冬令若仍
前觀望因循遷延時日則是明亮甘蹈重戾惟當
執法從事斷不能稍爲寬貸矣至所奏汝河腦首
先衝殺賊匪之守備王占鰲把總劉陞尙爲奮勉
俱著以應陞之缺補用

十一日

庚寅

姜晟奏言查五六月以來

臣

將湖北

各處僱募鄉勇逐細稽查隨時核飭剛減現在
鄖宜兩屬鄖西巴東竹谿竹山等邊防各卡隘
所設月給廩費之鄉勇除前此抽撤隨征外統
計共有九千餘名房縣保康二邑有守城鄉勇
共二千餘名俱係冊報有案其中亦尙須覈實
請銷此外賊匪往來經由各州縣有因賊蹤窺
近城垣臨時稟明僱勇二三百名或五六百名

暫爲守禦賊過卽行撤去者有各按舖戶居民
出丁防守城廂無須給費者其省郭以外遠近
村鎮市集皆百姓自相守禦或擇地暫時遷避
近來地方官諭民建築堡寨從事興修漸有成
規至山溪要隘處所屢經分飭各屬團結義勇
認真堵截多方鼓勵不啻三令五申各該州縣
咸皆申覆盡力遵辦乃賊至而衝突如故如穀

城之盛家埭卽縣之黃龍灘均不能堵截賊衆
以待兵臨殲剿皆臣飭屬不力之咎惟有稟遵
訓示督飭員弁另挑健勇加意嚴防襄陽鎮標遊擊
富慶毅城縣知縣孫光先均遵

旨先行革職俟一併查審明確從重定擬具奏至川
省闖入房縣賊首姓名據南漳縣稟稱係徐萬
富與川省原文相符昨接明亮處隨營道員依

精阿稟稱接興安府來信內有川省德參贊在儀隴一帶追剿苟文明之語是現在闖入楚境賊首其並非苟文明似屬無疑惟據興山縣稟稱賊目冉姓王姓傳聞不一臣已移詢倭什布并飭隨營文武探明飛稟倭什布帶兵起程後所謂副將滿倉帶領湖南兵丁六百三十二名於八月二十四日抵營近日據探賊匪現在竄

至當陽縣境內倭什布自南漳之楊家坪拔營
由遠安一路進剿總兵李紹祖帶兵由東湖一
帶迎截夾攻尙未得有接仗捷音長齡於初一
日行抵襄陽因吉林黑龍江官兵一千五十名
及直豫撥濟馬匹分起接續行走尙未到齊臣

現在督飭局員將所需軍火器械鍋帳等件檢
齊整備長齡俟官兵馬匹到齊卽擬帶兵取道

前進惟是連日接鄖竹等縣文稟偵探陝省賊蹤並無提及高馬等匪在西鄉欲行東竄之事而長齡自襄起行必經南漳保康房縣

臣

因與

長齡詳細籌酌就現在情形而論川省闖入匪徒往來奔竄相距不遠此時倭什布等尙無接仗信息若得長齡帶兵至彼相機會辦與倭什布等勢成犄角定可迅速殲功其撥往明亮軍

營勁兵三百五十名臣卽飭給銅帳馬匹等件

現有明亮自營派來之候補叅將雙福等在襄

卽可交與帶領前往昨據孫清元等稟報青號

敗殘餘匪現在陝境由白河入洵陽所屬之水

磨河金河一帶屯擾該處地面與二竹犬牙相

錯明亮孫清元等自竹谿合兵兜剿以冀尅期

淨洗長齡將房縣一股辦有頭緒仍應由二竹

入陝若此股殘匪明亮尙未殲淨並可順道協
剿則楚境早得肅清至需用馬匹臣前調到荆
州滿營馬隊挑用外所餘馬匹合之直豫協濟
馬數計可足敷乘用

同日倭什布奏言竊臣行抵南漳探知徐萬富

股匪由房縣保康南山一帶竄至興山臣卽擬

從保康徑赴興山截剿旋又據報自興山東竄

遠安在於毗連南漳之荷家壩清化店一帶分
股滋擾有向東北奔竄之勢查南漳與遠安接
壤倘被賊匪闖入則北面可趨均穀東北可達
襄陽必須迎頭攔截遏其肆竄查百福頭一路
逼近賊竄之荷家壩等處爲扼要隘口因卽率
領兵勇迎前進發趕至百福頭詎賊匪又退回
東竄至遠安屬清溪舖等處臣察其情勢欲將

官兵誘向西南該匪復折而向東以遂其北竄之計當卽改道由觀音塘金相坪抄擊前進二十九日師次南屬巡檢司地方差探該匪果由洋坪一路前來臣於初一日五鼓發兵直趨賊人來路已刻馳抵紫山坪賊匪正在該處四山溝內搶掠糧食臣當令總管托爾托保侍衛花尙保佐領和隆武等帶領黑龍江馬隊爲一路

分副將朱士奉都司宋吉與陳治文等帶領襄
鎮各營官兵及隨營鄉勇爲一路臣親率叅領

特克興額協領武成額叅將烏爾卿額都司何
天標等帶吉林馬隊及湖南官兵爲一路出其
不意同時並進該匪等一見官兵竟敢分投抗
拒經吉林黑龍江勁旅直前衝殺人人奮勇賊
匪不能抵拒分路亂竄官兵追殺二十餘里生

擒賊匪卜泰寧等三十七名殲斃二百餘名波
擄男婦散出者八十三名口追至洋坪金雞嘴
賊匪從山溝林內向南逃逸新到吉林黑龍江
官兵鎗箭本各嫻熟驍勇異常一遇賊匪無不
爭先競上因山溝路徑崎嶇箐林叢密未便馳
射不克深入窮追節在洋坪暫紮隨訊據獲賊
供稱營內共有藍黃白三號時合時分前因遇

兩數日山內無糧大衆商量從百福頭到南漳
走出大路以便搶掠聞有官兵到來又回到清
溪舖今日只說官兵已向百福頭去所以由此
路前來不想又遇見官兵我等皆是白號後有
藍黃兩號營內有徐王張冉四元帥不知名字
等語查該匪等俱係久經從賊曾經隨賊打杖
殺人當卽正法奪獲馬騾分賞出力兵勇散出

男婦給以路票口糧遣令回家伏查此股賊匪

臣

於接仗時察看約有二千餘人但據供後面

還有兩營人數諒必相等總計亦復不少今經

官兵改道抄至賊前迎頭截殺不致擾及南漳

該匪又復敗回南竄勢必與黃藍兩號歸併臣

探聞鎮臣李紹祖帶領兵勇從巴歸一路入楚

以道東瀟遠安臣檄擊前來臣一面專弁繞道趕

赴李紹祖軍營知會一面率兵乘勝躡剿以期
兩面夾擊將匪衆逼歸一路併力殲除均奏入
上命軍機大臣傳諭姜晟曰姜晟奏湖北各處僱募
鄉勇隨時核減情形總不免存惜費之見鄉勇一
項固須核實辦理但剿辦賊匪必先能堵而後能
剿果能於邊防各卡隘督飭兵勇實力堵禦使各
股竄匪無從奔逸得以迅掃賊氛卽需費稍多而

於剿捕大有裨益倘任意刪減則防堵不嚴剿辦
稽時轉致勞師糜餉姜晟惟當擇其素不得力之
鄉勇量加裁汰其餘各要隘處所仍須嚴密佈置
分飭防守俾帶兵之員得以痛加剿殺姜晟不可
祇圖惜費此爲最要至所奏據南漳縣稟報川省
闖入房縣之賊係徐萬富並非苟文明而興山縣
稟報又稱賊目冉王二姓即竹一帶亦無高馬二

逆賊蹤等語是明亮前奏苟文明續竄房縣之語
竟屬不實其所稱冉徐張王四姓本日倭什布等
奏到摺內亦並未有賊數約及萬人之說而唐龍
二逆亦均未提及看來明亮竟係先因追剿徐添
德不能趕上輒將川省竄匪臚列多股張大其詞
藉稱楚重於陝預估地步思掩其縱賊之咎著姜
晟密行查察明亮節次所奏由川竄楚各股賊匪

何以並不確實是否係地方官探聽不的率行稟
報明亮卽據以入奏抑竟係明亮自行捏造希圖
卸責一經查明卽行據實密奏

上又命軍機大臣傳諭倭什布曰此次徐萬富由房
縣竄至南漳分股滋擾倭什布率領兵勇迎前進
發探知賊匪聞信又退回東竄卽改道抄至賊前
截殺生擒賊匪卜泰寧等三十七名殲斃二百餘

人不令擾及南漳所辦尙好而吉林黑龍江官兵
遇見賊匪直前衝殺奮勇可嘉惟因該處山溝路
徑崎嶇箐林叢密未便馳射不克深入窮追殊爲
可惜此時倭什布所調湖南副將滿倉現據姜晟
奏已帶兵六百餘名於八月二十四日抵營川省
所派總兵李紹祖亦帶領兵勇取道東湖遠安截
擊而長齡所帶勁旅由襄鄖入楚前赴陝境曾經

降旨如沿途遇有竄匪卽令先行剿辦伊經過南
漳遠安一帶自必相機迎擊明亮亦由二竹前赴
倭什布軍營兵力極爲壯盛正可併力合擊倭什
布務須倍加奮勉將各股竄匪於今冬尅期辦竣
以副委任所有此次殺賊奮勇之吉林黑龍江官
兵著倭什布存記此後如再獲勝仗卽行據實保
奏另降恩旨

欽定剿平三省邪匪方略正編卷二百三

庚申年

九月十三日

壬辰

倭什布奏言竊

臣

將賊匪追殺

至洋坪金雞嘴地方因該匪竄入山溝林內卽

飭兵勇於洋坪紮駐暫爲憩息當選弁躡探賊

人去向該匪是夜竄至洋坪之南西風埡屯紮

距洋坪二十餘里

臣

以賊去未遠正可乘勝追

擊初二日五鼓率兵進發黎明趕至西風埡對

面山梁察看賊人竄匿之處山坎陡削樹木叢
密該匪見官兵臨近俱於林內擲石抵拒

臣飭

令官兵於對山排列鎗礮轟擊并選派兵勇覓
路繞至西風埡後山抄出山巔亦用石塊向下

堆放賊匪站立不住始從林內穿過南山越嶺

而遁

臣

卽率同將弁兵勇直前追殺沿途斃賊

六七十名生擒李貴等十三名該匪從許舊舖

向遠安縣城一略奔突片追至鹿溪舖復據隨

同李紹祖帶兵來楚之叅將黃定選守備銜李

鉷等馳報該匪自苟家埡折回之後黃藍二號

與白號分路滋擾李紹祖帶兵追至遠安先於

二十九日在兩河口截剿得有勝仗初一日因

該匪竄至木瓜舖逼近縣城該鎮率兵移營牛

鹿坡以拒賊匪趨擾縣城之廿初二日賊匪分

一股衝撲該鎮營盤一股攻撲縣城李紹祖率
兵出營追擊斃賊多名繼復匹馬追剿猝遇伏
賊身受矛傷陣亡叅將沈慶春遊擊三家保千
總蘇殿魁把總劉振邦俱因衝入賊隊奮力追
殺同時被害臣聞信不勝憤恨一面分飭將備
帶兵追擊白號敗竄之賊一面親自酌帶吉林
黑龍江勁旅及各營馬兵繞道馳赴縣城應援

臣將次趕到其衝撲營盤之賊業經黃定選李
拱及遊擊常羣等奮力擊退該匪合爲一路併
力攻城雖經都司張元善知州呂應熊率同守
城兵勇施放連環用礮轟擊該匪不能直撲城
根猶在南門關廂外肆行焚搶見有官兵飛馬
策應該匪始行解退臣飭令兵丁分途追擊該
匪俱向東南一路逃逸其時縣治居民頗形慌

法臣當卽傳諭城中各安生業飭令該縣將關

廂內外被焚民戶逐一安撫并將擒獲活賊李

貴等卽於該縣城外訊明正法以快人心臣查

現在藍黃二號賊匪奔向東南營子崗一帶其

白號敗竄之賊亦自茅坪向南逃遁相離不遠

該匪等自必仍行會合統計三號賊匪共約有

六七千人臣惟有趕緊督兵前進逼歸一路相

機併力圍剿再鎮臣李紹祖所領山東雲南貴
州湖北等省官兵一千三百餘名四川貴州鄉
勇一千八百餘名業飭臣帶將備照舊管帶暫
隨臣一路協剿將來或須分路前進或可遣回
川省歸隊再行酌量情形辦理奏入

上命軍機大臣傳諭明亮倭什布日賊匪在洋坪西
風坵等處分投竄擾雖經倭什布帶兵追剿斃賊

數十名其攻撲遠安縣城之賊亦經擊退而李紹祖於倭什布未到之前在兩河口截剿賊匪匹馬追擊遇伏陣亡深爲可惜李紹祖著加恩照提督陣亡例賜卹其同時衝入賊隊攪殺被害之叅將沈慶春遊擊三家保千總蘇殿魁把總劉振邦俱著咨部賜卹至南漳遠安一帶賊匪往來奔竄亟須搜捕明亮所剿徐添德一股未經辦盡徐逆竄

至陝省洵陽白河一帶明亮置之不顧僅移會慶
溥剿辦並稱由川竄楚之賊甚多楚省較重於陝
伊由二竹回至房縣一帶會同倭什布截剿乃又
隔多日尙未趕到而遠安一帶藍黃白三號匪衆
轉至分股竄擾戕害總兵大員是明亮於徐逆既
未窮追而於川省竄楚之賊又未趕上剿殺現今
又在何處逗遛惟一味蒼滑所辦何事明亮久歷

戎行前於金川出師時曾任將軍獨當一路乃自到湖北以來遷延多日所帶官兵多有落後卽此可見其管束不嚴毫無紀律此時藍黃白各股竄匪祇六七千人是明亮前奏賊匪共有萬餘之語竟屬不確但總兵大員被其戕害賊勢自必鴟張尤當奮力併擊况賊匪現向東南逃遁已近當陽荆門州一帶該處地勢平衍吉林黑龍江勁旅弓

馬健銳正可施展明亮既不能將徐添德剿辦完竣已屬玩悞所有遠安等處黃藍白各股竄匪卽交明亮專辦其李紹祖原帶兵丁俱歸明亮帶領務須自知愧慚上緊辦竣倘仍延緩不能再爲曲貸也

十四日 癸巳 姜晟長齡奏言查房縣闌入川匪屯

聚遠安當陽毗連各處初六日據高廉鎮李紹

祖井署遠安營遊擊張元善該縣知縣呂應熊
等稟報八月二十八日探明賊匪在距遠安三
十餘里之兩河地方二十九日黎明該鎮帶領
兵勇進發行近兩河口卽遇賊七八百名經該
鎮派令將弁兵勇迎擊共殺賊一百七十八名
生擒王金貴等十七名奪獲旗幟刀矛等件兵
勇並無損傷旋於初八日據原任蘇松鎮守備

銜李拱貴州丹江營叅將黃定選山東武定營
遊擊常羣會稟八月二十九日賊匪潰敗之後
卽向西南逃竄初一日移營牛鹿坡旋據探報
賊匪在木瓜舖一帶屯聚李紹祖於初二日黎
明卽帶兵起行至遠安縣屬之教場壩過河正
在濟渡忽有賊匪三四千名由左右兩山及溝
底大路潛來李紹祖催兵急渡迎敵斃賊百有

餘名忽兩山左右賊隊衝出抄在我兵之後在
後官兵濟渡不及互相攪殺均有傷亡李紹祖
同廣東欽州營叅將沈慶春山東高唐營遊擊
三家保等均手刃數賊同時被戕陣亡原任蘇
松鎮守備銜李鋌同叅遊都守等帶領兵勇奮
力衝突而出現在牛鹿坡扎營等情臣等接閱
不勝駭憤查房縣境內闌入川匪分股竄擾臣

姜晟先慮倭什布處現有兵力不敷截剿與

臣

長齡酌籌帶兵順道前往會籌剿辦茲李紹祖

猝被戕害不特該營官兵急須收集管領更富

添益兵威以壓賊匪鴟張之勢查後起吉林黑

龍江官兵一千五十名業已全數抵襄豫省之

馬亦已到齊直省前三起馬匹日內亦可趕到

現在趕緊料理軍裝定於初十日

臣

長齡帶領

自襄起程順赴倭什布軍營會同酌籌痛剿其
分撥明亮軍營兵丁三百五十名亦應由南漳

一路行走

臣

長齡一併便道隨帶前進俟中途

相度情形并確探明亮駐營處所再行分往奏

入

一命軍機大臣傳諭姜晟曰遠安一帶竄匪正在鴟
張本欲令長齡帶領吉林黑龍江勁兵會同倭什

布剽辦又恐長齡已過襄陽由鄖西前往陝西平
利剽辦徐添德一股若令其中道折回徒勞跋涉
是以未經降旨令姜晟與長齡會晤酌量令其帶
兵自襄起程赴倭什布軍營會同剽辦正與朕意
相合已另諭長齡會同倭什布實力剽辦此時倭
什布與長齡俱赴遠安一帶剽賊明亮又已帶兵
赴倭什布一路離二竹鄖西等處已遠恐徐添德

一股賊匪經慶溥在洵陽白河一帶奮力截擊賊匪不能深入陝省必仍折回楚境是一竹鄖西等處甚爲緊要現在該處無兵駐紮著姜晟速派得力將弁抽撥兵勇在彼實力防禦勿令徐逆折回竄擾爲要

上又命軍機大臣傳諭長齡曰據姜晟等奏聞知李紹祖等陣亡之信恐房縣境內闖入川匪分股竄

擾倭什布現有兵力不敷截剿與長齡商酌令其
帶領後起吉林黑龍江官兵由襄起程赴倭什布
軍營會剿正合朕意覽奏稍慰長齡年力精壯前
會隨同福康安出兵於軍營事宜素所諳悉今所
帶吉林黑龍江官兵俱係生力勁旅銳氣方新長
齡務當倍加奮勉會同倭什布將遠安一帶藍黃
白二號匪衆一鼓殲除若長齡於朔亮未到以前

已將賊匪殲擒得有勝仗伊卽據實專摺馳奏如
明亮到後協同剿辦凡有軍報仍令明亮居首長
齡居次俟肅清楚境長齡再察看各路賊匪情形
帶領勁兵或仍往平利剿辦徐添德一股或徑赴
經畧軍營總視賊情緩急與明亮應分應合臨期
酌定朕亦不爲遙制也

同日長麟奏言竊

臣

帶兵兼程前進途次接據

署陽縣稟報伍金柱餘匪竄至文縣平武昭化
寧羌等州縣交界有沿白水河之姚家渡壁口

一帶直趨杭店之勢沿河船隻均經收攏南岸

大小橋梁盡行拆斷是以未能偷渡若再上數
十里係白水源頭即可淌渡過河竄入龍安

臣

聞信一面飛行札催定住阿哈保桑吉斯塔爾
穆克登布廣厚等迅速繞路設法兜截

臣

一面

鼓勵弁兵盡棄馱載鍋帳裹帶乾糧冒雨兼程
趕往截剿途次接據探報穆克登布同阿哈保
桑吉斯塔爾由旱道河覓路連夜馳往二十五
日午刻趕至姚家渡定住廣厚亦先後趕至趙
錢壩一帶扼住去路賊匪不能躡淺渡河卽由
紫竹園向西奔竄潛赴盤峪河一帶窺伺仍欲
由文縣繞竄龍安定住廣厚聞信分赴史家山

王家壩截剿山險路窄不能乘騎定住等徒步
率師於二十六日行抵老盤峪探知賊匪在葦
子溝屯聚距馬鞍山不遠卽督兵趕往剿捕甫
上馬鞍山梁見賊匪一百餘人正在上嶺定住
督率弁兵向前撲殺賊匪一見官兵輒紛紛竄
遁官兵追過兩道山梁殲賊十餘名該匪卽鑽
入老林內藏匿因連夜大雨山頂已有積雪山

下泥潭兵力難施仍回馬鞍山暫紮廣厚亦仍
在王家壩堵截旋探賊匪復折至打爐寨老莊
一帶奔竄穆克登布等卽滅去鍋帳挑帶吉林
索倫兵之能步行者並廣東貴州官兵及鄉勇
三千餘名棄馬登山親率前往深入老林追剿
其軍裝馱載馬匹等件卽交待衛愛星阿墨爾
歡保留紮姚家渡以防賊匪折回穆克登布正

在督兵前進聞該匪折竄打爐寨之信立刻催
兵趨行乃路更險窄步行尙須攀援於次日趕
上賊蹤該匪又復由小溝渭河等處竄匿二十
八日於窄口子追及賊尾分兵兩路進攻該匪
捨命狂奔官兵隨後追殺斃賊數十名生擒十
六名時值雨雪交作賊匪於半夜潛翻大水溝
出恒寧溝老林遁逃二十九日五更副將富蘭

叅將楊芳先帶鄉勇趕往復於林內追殺賊匪
二十餘人生擒七名賊匪卽從並無路徑之陡
巖滾溜而下跌斃四五十人餘匪卽由五馬河
崔家壩竄出老林翻山過長壩一帶東奔因探
知白馬關亦有臣處官兵在彼防堵又折向北
面翻大石山竄紙坊鎮一帶查紙坊鎮已出階
文交界無虞再竄龍安現在定住廣厚帶兵由

西面向北抄截

臣

帶兵東面向北截剿阿哈保

桑吉斯塔爾穆克登布等由中路小川子一帶

緊躡前進並恐其又由徽兩關入棧道以東竄

往陝省南山業經額勒登保奏派臬司王文湧

都司綽克圖謹防二里關黃牛舖等處要隘總

兵德忠謹防草涼驛方石舖七里坪等處要隘

總兵汪啟謹防鐵爐川一帶要隘副將舒隆阿

駐紮留壩江口謹防桅杆石五道梁一帶要隘

以堵賊匪竄入南山之路

臣

復諄諄札飭該鎮

司將等務須加意嚴防毋稍疎懈

臣

仍與阿哈

保桑吉斯塔爾穆克登布定住廣厚等趕緊協

力剿辦務將該匪痛殲卽有潰敗餘匪亦必逼

向東南沔寧畧陽界內現在額勒登保駐紮南

鄭所屬之新集地方藉可乘勢剿洗庶大兵不

致日久牽綫其觀祥所追之小股賊匪頃據鳳
縣稟報前月二十八日竄至該縣之隘口初一
日至三岔河距黃牛舖三十里觀祥於二十九
日抄至鳳縣初一日趕至黃牛舖將該匪截回
初二日分兵從三岔河紅花舖進溝兜剿未致
竄過棧道以東額勒登保又恐觀祥一人不能
迅加剿滅復派副將游棟雲帶兵千餘名趕赴

協同搜捕諒可卽就殄除至階州前報由禮縣

雷家壩竄赴該州之賊

臣

當差弁兵馳往查探

並無蹤跡旋接該州稟覆查係官兵追敗之賊
僅有六人已被堡民用鎗石擊斃等語查該州

稟稱賊匪一股由雷家壩竄入該州境內今經
札查又稱僅止餘匪六人被堡民擊斃顯係該
州以道路傳聞率行妄報查知州慶熙業因辦

糧不善經臣叅革應請將該革員飭交兩司審

訊治罪奏入

上命軍機大臣傳諭長麟曰此次伍金柱餘孽欲由文縣繞竄龍安經官兵堵截該匪卽遁入老林專恃路僻林深官兵不能進剿得以輾轉藏匿實爲可恨而定住穆克登布等帶兵步行攀援而上緊躡追剿實爲勞勩殊堪憐憫此時伍金柱餘賊已

出階文交界不能再竄龍安其由嶽兩入棧處所
又經額勒登保派王文湧等分駐各要隘嚴密防
範可以不致闖入所辦俱好長麟阿哈保定住等
務須上緊剿辦分路抄截若能將伍金柱餘匪痛
加殲戮在甘境辦竣卽屬長麟等之功否則亦須
逼向陝境沔畧一帶與額勒登保駐紮處相離不
遠正可乘勢截剿斷不可令其竄過棧東以致剿

捕費手爲要再昨以長麟奏一聞階州稟報有由
禮縣竄來之賊卽欲帶兵前往當經降旨以長麟
不察虛實趕赴該處未免失之冒昧今據長麟覆
奏查明該州所報賊數僅有六人已被堡兵用鎗
石擊斃並請將知州慶熙審訊治罪等語果不出
朕所料可見地方官亦探聽賊情不過據道路傳
聞率行妄報此等最爲軍營惡習且該州竄來之

賊祇係追散餘匪六人乃慶熙張皇稟報其懦怯情形已可概見慶熙前已降旨革職並著長麟卽將該革員交藩臬兩司嚴行審究治以妄報之罪按例定擬具奏

十五日

甲午

德楞泰勒保奏言查倒流水地方先

竄過河之賊係湯思蛟劉朝選張金連杜應杰等剩有一千餘名由呂家坪一路奔竄該匪等

因賽沖阿溫春在後緊追復由草場折竄龍

鳳坵欲出通江之洪口地方遁入陝境

臣

德楞

泰探知卽於二十五日連夜由土城子抄至洪

口迎截二十六日申刻正遇賊匪前隊百餘人

竄至當卽督兵截殺殲斃偽總兵唐邦順並賊

匪五十餘名生擒戰手王依相等二十三名訊

知各首逆俱在龍鳳坵屯紮派令唐邦順先赴

洪口探聽有無官兵再定去向

臣

德楞泰一面

卽發兵馳赴龍鳳垭詎匪衆探知洪口有兵前

隊業經被殺又連夜由古林寨折竄慈羅壩我

兵跟蹤緊躡於二十九日巳刻追至長壩地方

經阿穆勒塔色爾滾馬瑜帶領前隊馬步官兵

趕上賊匪正在跣渡後河礮戮及淹死者二百

餘名

臣

德楞泰正催官兵淌渡進追忽聞後面

鎗聲甚緊探係賽冲阿等之兵追殺一股賊匪
祇有七八十人由後山竄下臣德楞泰立時帶

兵迎擊賊見上下有兵卽從山腰旁竄欲向王

家壩潛逃正值臣勒保由此路帶兵前來迎面

截住該匪等一見又復折回釋前隊花品等所

帶馬兵箭斃數名賽冲阿等馬隊亦卽衝出該

處係一線空徑下臨深淵兩面鎗箭並發賊匪

無路可走均各滾巖跳水當於巖下擒獲黃俞
等十三名餘俱被急流衝去並無一名漏網查
此股賊匪緣在倒流水被官兵擊散不能過河
度向瑤帶五百餘人由石窩場一路竄逸先經
臣等派令總兵永寧帶兵追截於杜家灣趕上
斃賊一百餘名賊卽折竄箭竹埡二十八日向
石榴坪奔來猝遇賽冲阿等之兵由山溝衝出

匪衆一見驚逃至箭口河撲水過去淹斃六七
十人餘向張家嶺逃遁我兵亦卽涉水衝失兵
丁十二名官兵追殺八十餘里沿途又斃賊一
百餘名生擒王選等五十一名訊知度向瑤祇
帶數十人潛逃賽冲阿温春以賊匪所剩無多
旣有逆首在內必須剿捕淨盡連夜帶兵追趕
正值_臣等先後到來賊衆無路奔逃盡數殲擒

淹斃雖度向瑤屍身尚未撈獲而訊之現獲黃
俞等亦僉稱度老師傳實在同路奔來見其跌
崖落水是度向瑤之死已屬可信而此股餘孽
業經殲戮無遺再接再據署太平縣鍾蟠雲署都
司李廷臣稟報探得苟文明帶有二百餘人歸
入龍紹周夥內現由田壩河道入西鄉之木旺
山屯紮惟唐大信與張子聰合夥後在干江河

一帶遊奕屢至附近各寨碣滋擾寨民朝夕不寧緣白水碣貯有兵米該寨首龐關然恐被賊破碣搶糧於八月二十二日商同各寨首抽出丁壯團勇五百餘名乘夜潛赴賊營吶喊放鎗該匪等正在飲酒歌唱猝不及防立時慌亂狂奔各壯勇乘勢掩殺斃賊一百餘名陣亡團勇龐習元等十八名其時本不知首逆鎗斃緣二

十四日有逃出難民馮萬榮文德義等告知是
夜賊衆將唐大信擡至甘龍礮因胸中鎗傷業
經殞命衆議立李顯必爲僞元帥宰牛祭旗二
十五日賊果前來攻撲聲稱唐元帥被爾等鎗
斃特來報復幸該寨早有預備旋即擊退賊向
後烟山黃溪河一路遁去並經鍾蟠雲等派令
効力職員聶愈煥等前往查點賊屍及被害各

團勇屬實該縣隨帶龐閻然等來營備訊

臣等

親訊無異當將龐閻然賞給八品軍功頂戴並
令查明出力團勇及陣亡之龐習元等家屬酌
賞銀兩以示優卹現據探報此股賊匪已出甘

龍礮老林由渡口巖高頭壩一帶逃竄係通東
鄉開縣之路現在湯劉等逆已竄過後河亦入

東開界內

臣

等卽分兵由東鄉中河後河兩路

追擊顧住西南腹地要路至七十五一路官兵
據報近因雨大阻水未能趕上賊匪接仗現在
匪衆既經過河_臣等卽知會該提督就近速赴
開縣溫湯井一帶迎頭截剿遏其東竄入楚之
路以期將各股匪衆卽日併力殲除

德楞泰勒保又奏言_臣等欽奉

諭旨以廣興所奏四川省計征防各兵約共有六萬

餘名與_臣等前奏現有征防兵二萬八千九百

餘名之數大相懸殊飭令詳悉具奏查_臣等前

奏兵數係截至本年六月二十日據各處查報

實數爲憑縱或偶有遺漏參差之處何至較廣

與所奏少至三萬餘名隨飭營務翼長馬瑜薛

大烈等會同確查去後茲據該翼長等將近日

續行裁撤遣發疲病各兵扣除開單稟復_臣等

覆加察核現在臣等及七十五三路隨征兵丁

實有二萬三千四百六名鄉勇五千五百三十

二名各處防兵共有一萬四千三百三十八名

除隨征鄉勇不計外統計現有征防兵三萬七

千七百四十四名其中如巡防嘉陵江岸分駐

陝甘楚三省交界之松潘龍安廣元太平夔州

大寧巫山等處卡隘並達州及羅紋壩兩處糧

餉重地共兵一萬一千七百八十八名刻下斷
難裁撤其留防各州縣城池兵丁通計不過二
千五百五十名各就地方情形多則三四百名
少則一二百名甚至有數十名者爲數不多無
可再撤因思從前各路軍營招募隨征鄉勇本
多而各州縣就地雇募之防守鄉勇更數倍於
隨征自經臣等疊次裁減飭令將鄉勇改爲團

勇現據各州縣稟報有全行裁撤改團者有一
時不能驟撤酌留一半並照舊暫留者參差不
齊難以定數又春夏之交臣等未經將疲病官
兵查明裁汰而阿哈保百祥李紹祖等均未赴
甘赴楚且附近川北重慶松潘夔州等處鎮協
各營各州縣每遇賊蹤漸近卽就近暫撥官兵
馳往協擊凡一二百里以外卽須酌給鹽糧賊

遠旋即撤回原營歸伍本無定數並各官兵所帶跟役餘丁亦有口糧分例想廣興所奏六萬餘名之數自必連前項兵勇跟丁一并計入是以所奏不符再臣等前准額勒登保咨會以甘省賊匪竄至階文必須嚴飭松龍一帶文武認真堵禦因查本年二月四月兩次調撥省城滿漢兵丁一千一百名赴柴門關及保寧白水一

帶征防早經撤回刻下松隴一帶在在與甘境毗連兵力不敷分佈當卽札飭藩臬兩司並三標中軍酌派兵一千名委員帶領交與副將張志林統領防禦一俟甘境肅清並現有土兵均可酌量裁撤並將派防開縣之駐防滿兵五百名撤令回至成都以歸節省而資彈壓又從前臣勒保白黔來川帶有銅仁鄉勇三千名除陸

續事故刪裁外尙有一千餘名派在夔巫一帶
防守因從隔省帶來一時未便驟行裁撤是以
暫留又餉銀一項自托津廣興進京後於六月
間查明達州保寧兩局共存軍需銀二十三萬
一千餘兩嗣又蒙

恩兩次撥銀六十萬兩統計實有八十餘萬兩自六
月至今已逾兩月緣各路征防各官兵鄉勇應

支鹽糧夫價及各州縣臺站運糧腳價並製辦
軍火軍裝等項需費浩繁近雖將不得力之兵
勇大加裁汰而運腳銀兩較之兵勇月餉所用
本多不能不隨時給領以期毋悞兵糧其中長
短不齊統計每月約需銀二十餘萬或二十萬
不等昨因部撥餉銀四十萬兩在陝境棧道阻
滯需用緊急有由司庫設法墊用者有將運腳

等項拖欠未發者八月初部餉到來方資接濟
豫餉二十萬兩現據稟報八月十八日已抵川
境茲又仰蒙

賞撥粵海關稅銀二十五萬前來臣等尤當倍加撙
節不敢稍任虛糜再查賽沖阿現奉

諭旨補授固原提督自應遵

旨令其迅赴西鄉分兵千餘名交令帶往會同綸布

春等專辦高二馬五戴家營各股賊匪但念

臣

德楞泰一路官兵惟吉林索倫馬隊七百餘人
最爲得力吉林兵向交賽冲阿一人管帶已越
三年該提督深得兵心人皆用命且東三省人
之性情最爲忠直一經悅服終始不移而吉林
索倫又各自爲其風氣昨聞賽冲阿蒙

恩授爲提督吉林兵無不同聲歡舞及聞其須赴西

鄉卽紛紛至臣德楞泰處環跪乞留言之淚下

臣等前因剿賊必須馬隊衝擊方能制勝曾經

札商額勒登保擬於續派吉林索倫兵一千五百名內酌派數百名來川此時川省正當剿捕喫緊之際自不能將現有吉林兵撥交賽冲阿

帶赴西鄉正籌議間適接額勒登保來信亦深知賽冲阿向得吉林兵心恐其不能卽時赴陝

專札致詢臣等已將實在難以驟離情形致覆

且聞額勒登保現又續派將軍恒瑞總兵九十
等馳赴西鄉協剿刻下似已足資辦理但賽冲
阿係固原提督不便久留川省一俟川境肅清

臣

德楞泰卽當謹其緩急或與賽冲阿一同前

夫或先令其赴陝斷不敢久爲稽留

德楞泰勒保又奏言臣等欽奉

諭旨以徐萬富一股賊匪由雲陽竄至大寧巫山界
內總兵德英額在水口王家河等處帶兵堵截接
仗身受鎗傷現在曾否痊愈令臣等查奏等因查

總兵德英額原派在巫山一帶領兵勇二千三
百餘名於川楚扼要地方分設營卡堵禦節經

臣等檄飭實力嚴防以遏賊匪東竄德英額係

在巫山所屬兩河口地方紮營七月十二日該

鎮間有黃號徐姓等股賊匪由雲陽竄至大寧之羊橋壩當派遊擊蔡天章帶領兵勇七百餘名馳赴水口王家河一帶堵截該鎮於十三日亦帶兵勇六百餘名前往接應飭令守備李大發看守營盤是日巳刻有賊匪探馬數十人竄至王家河卽經蔡天章帶兵擊退午後賊匪齊至衆寡不敵將兵勇衝散千總高貴力戰陣亡

定德英額趕至水口賊匪正分兩股順河竄來
該鎮督兵迎擊左肩猝中鏢傷尙能催兵將賊
壓退因又有一股自山竄下鎗子掃過該鎮右
額角賊卽蜂擁而來不能抵禦旋即退回山梁
賊向大昌奔竄維時守備李大發在兩河口營
盤因聞德英額一路失利卽帶兵勇二百餘名
前來應援未及趕到大昌卽值賊匪大隊奔來

李大發帶兵迎擊殺賊十餘名因賊勢較衆李大發力竭陣亡外委汪有昂楊元宗唐榮等亦同時被害賊即將兩河口營卡衝破惟帶領貴州銅仁鄉勇之軍功滕世朝卡隘賊圍一晝夜堅守未失並斃賊十餘名賊於十六日由八石坪竄逸兵勇陣亡八十餘名帶傷三十餘名查兩河口營卡德英額因帶兵出敵原留守備李

大發在營防守茲李大發因德英額受傷赴援
業已禦賊陣亡所有守卡不力之處應請毋庸
查議至德英額因賊由該鎮所管營卡衝出甚
爲畏懼又因受傷尙不甚重卽稟明抽撥兵勇
協同李紹祖赴楚以冀將賊截回嗣因追至歸
州距本管營卡太遠將兵勇分撥八百餘名交
李紹祖帶往該鎮卽行轉回臣等因此路防兵

三
稍單卽於各處留防兵勇內抽撥一千五百名
交德英額管帶令其嚴密防堵以觀後效查前
此賊竄營卡本係該鎮所管但究因禦賊身受
兩傷可否免其查叅之處出自

皇上天恩均奏入

上命軍機大臣傳諭德楞額奏勒保曰此次德楞額奏馳
赴龍鳳壇後探知賊匪由古林寨折鼠絲灘壩我

兵卽跟蹤緊刺賊斃渡河賊匪二百餘名賊由山
腰旁竄適值勒沫帶二兵前來迎截而賽冲阿之馬
隊亦卽衝出賊匪無路可走均各滾崖落水當經
擒獲黃俞等十三名餘俱被急流衝去其逆首度
向瑤屍身雖未撈獲而訊之黃俞等僉稱度向瑤
同路奔來實見其跌崖落水是度向瑤之死已屬
可信至唐大信一股在太平千江河一帶游奕經

寨首龐閻然帶領團勇乘夜掩殺斃賊百餘名逆
首唐大信胸中鎗傷殞命此實

天

考垂佑之恩覽奏實深欣感此次打仗官兵甚爲出力
俟川省賊匪剿竣時再加恩賞寨首龐閻然能於
黑夜率同團勇將遊奕之賊乘勢掩殺并鎗斃賊
首唐大信實屬奮勇可嘉該叅贊等已賞給軍功

八品頂戴著再加恩賞給把總并賞戴藍翎如伊
情愿出仕卽令隨營効用如不愿隨營卽賞給把
總銜以翎頂榮身令其回歸本寨駐守其陣亡之
團勇龐習元等十八名俱著咨部照例賜卹現在
德楞泰剿辦完竣者祇庚向瑤唐大信二股其餘
川境之賊如劉朝選湯思蛟張金連趙麻花王士
虎冉添士羅半年張子聰杜應杰等股數雖多但

統計賊數不過五六千人勢已潰散現在湯劉等
逆已竄過後河至開縣界內而七十五一路官兵
因大雨阻水尙未與賊接仗德楞泰勒保應飭令
該提督赴開縣一帶迎截以遏賊匪東竄之路德
楞泰等務須併力上緊會剿卽於川境辦淨不可
又令竄入楚境爲要至川省各路兵勇現據德楞
泰等查奏不下二萬餘名爲數不啻三倍於賊所

剩餉銀尙有八十餘萬兩又有新撥豫粵二省餉銀四十五萬以如許兵力如許糧餉剿數千敗竄之餘匪自無難卽口辦竣朕惟屈指計日以待德楞泰勒保務當乘兵威勝勢將川省腹地及邊界之賊痛加殲戮不留餘孽大功早竣一日卽伊等之功亦大自邀重賞倘稍有稽遲其功旣小賞亦較輕若任意延緩勞師糜餉日久不能辦竣則德

楞泰勒保之罪亦深身家性命亦難自保伊等當知自擇慎之至川省賊匪雖漸次肅清所有竄赴湖北徐萬富一股賊匪係由川省巫山竄往而在西鄉之高二馬五戴家營等股賊匪亦由川境龍安輾轉奔逃擾及陝境現又有徐添德餘黨竄至陝省白河洵陽一帶此股亦係川賊皆德楞泰未竟之責况德楞泰係屬叅贊陝甘湖北之賊皆應

協同剿辦從川省腹地賊匪剿淨後勒保七十五
仍在本省防守邊隘德楞泰或應赴楚或應赴陝
惟相度賊勢情形斟酌緩急帶兵前往剿辦朕亦
不爲遙制也至賽冲阿在川帶領吉林勁旅深得
軍心自未便遽合離川更易生手至此次長齡所
帶吉林黑龍江官兵一千五百名因楚省剿賊喫
緊已先撥四百五十名交倭什布帶赴房縣嗣因

徐萬富一股在楚猖獗復諭令長齡將此一千五百名勁兵全數帶赴楚省幫同剿賊是此項兵丁卽額勒登保處亦不能酌量撥給又焉能分派川省此時賽冲阿旣已留川惟當責令管帶原有吉林兵丁奮勇剿賊如川省賊匪剿淨後賽冲阿究係固原提督彼時德楞泰等再當酌量情形令其帶領原兵赴陝剿賊可也又據奏總兵德英額前

在兩河口紮營被賊衝卡因該鎮禦賊受傷請免
查叅一節所辦姑息錯悞前此德英額與阿迪斯
詞在巫山大寧等處藉防堵爲名一味株守並不
能將川東各股賊匪奮力剿辦其畏葸無能早已
經朕看出此次黃號徐萬富等股賊匪衝出兩河
口由八石坪竄往楚省卽係該鎮所管營卡雖據
奏稱德英額聞信時馳赴水口王家河一帶堵截

身受兩傷然詳閱摺內所敘德英額在水口迎擊賊匪時左肩猝中鏢傷尙能催兵行動是受傷本不甚重其受鎗之處亦僅掃過額角乃該鎮旋即退回山梁以致賊匪卽向大昌奔竄衝破營卡徑趨楚省迨李紹祖帶兵追剿時該鎮既經稟明抽撥兵勇協同前往自應奮力剿辦將賊匪截回猶可稍贖前罪乃迨至歸州又以距本管營卡太遠

祇將兵勇交李紹祖帶往該鎮卽行轉回尤爲畏
難巧卸當賊匪衝越營卡時該鎮所轄備弁被害
多名而該鎮僅以身受微傷藉詞退轉現據倭什
布等奏到李紹祖因追此股賊匪又在楚省陣亡
而德英額轉置身事外其縱賊貽悞之罪不可不
嚴辦示懲著德楞泰等卽傳旨將德英額革職拏
至軍營會同嚴審并將德英額所得傷痕親自驗

看如受傷本輕卽將該鎮種種玩悞之罪一併定
擬不可輕縱卽或受傷較重亦應據實奏明仍按

例問擬候降諭旨